

潛研堂文集

一四



潛研堂詩集卷五

嘉定錢大昕

回部蕩平大功告成恭紀一百韻

西極功成 聖武揚紫宸稱賀集冠裳黃圖遠闢堅昆
塞朱鷺重歌魚雅章日運萬幾逾業業星馳八陣總堂
堂神謨有濯高三捷盛事無前邁一匡纘序 兩朝欽
至孝宣威往歲定遐荒天山雪霽銷烽堠碑嶺霜寒試
劒鉞執馘虎臣齊矯矯射生騎士竝洸洸屯田已過伊
犁水乘障無煩都護防渭上呼韓初築邸殿頭頡頏許
擎觴靈臺測景分昏旦重譯占風共享王勃律陪臣瞻

日角洛邢侍子觀 天閭傾心內向同葵藿汗血牽
徠盡驕驕大閱和門旗正正山莊曲宴露瀼瀼三階常
朗星從斗八表攸同綱在綱翩彼飛鶚猶食甚蠢茲黠
鼠漫跳梁花門櫟種原無定大食分支杳莫詳俗尙高
車傳自魏派承回鶻衍由唐兩曾項領依蛩蛩窮塞么
麼轉蛄蜣俛首頻年隨籠絡推枕一旦脫銀鐏何期狼
子心終野俄見螳螂臂已攘伏莽頓施蜂蠆毒控弦欲
任鸞鳩搶六軍聲罪詞嚴正七萃遙行氣激昂分遣材
官傳羽箭還否典瑞下牙璋上襄齊騁金羈勒小隊爭
裁鐵兩檔初抵庫車申討伐羣看禁旅競騰驤摧枯屢

振稜威壯漏網翻令小醜颺改命師中謀上將爰攜麾
下度連岡鷹揚衛士材無敵燕頤元戎勇莫當傳檄諸
蕃宵惴伏款關百部效趨蹌阿蘇郭外浮醕酪烏什城
邊獻柝漿鄉導前驅援虎穴諸軍深入歷羊腸奔麋蹕
伏應無地瘳犬猙獰尙逞狂四面崇墉遙屹屹一麾徑
渡正茫茫流星隊隊鳴鶻急掣電聲聲激石強奪樂甫
徵人伉健揮鞭偶值馬元黃列營仍占層峯險築堡旋
當黑水傍撼侶岳家軍不動守如墨翟應無方連宵格
鬪空拳勁排日鏖兵擊鼓鏜不數耿恭求井拜還勝道
濟唱籌量軍書絕域傳郵到 庶畧先幾握算良五校

剋桓已蚤發八旂健銳各分行蘆笳響遠吹邊月鐵甲
光寒踏曉霜兩月兼程經瀚海先春轉戰度河湟前茅
票旅紛超距後隊驕蹶亡脫韁入夜斫營風獵獵平明
合隊氣橫橫徒跣突髻徵吾壯隴種籠東晒彼恒其計
大勛侔破竹始知秘策比揜囊休兵暫命三軍駐制勝
誰能一旅亢投石驍騰交習鬪飛芻絡繹每因糧裹餽
餉處頻盈橐抱布歸時恰滿箱畧地和闐揮短稍屯兵
玉隴奮長槍遙知山壓無完卵蚤見瓜分剩破瓢引脰
鏡中方悚惕游魂釜底益倉惶驚弓漫訝飛鳶墮鉅險
俄傳駭鹿忙遠挈妻孥行彳亍盡攜輜重走跟蹤名城

次第來降表伯克趨迎來道旁日月無私歸所昭雲霓
有象久相望酒漿戶戶盛樽缶糗果家家載筐筐樂德
其間歌宛轉承恩翻使涕淋浪逃疏何幸霑 皇化撫
字重煩奠此疆令甲新頒人皞皞先庚申命澤沕沕丁
中黃小皆登籍黍稷梁稌競築場吉貝花繡勝南粵蒲
荀子熟侶西涼青蚨改鑄司農式赤鋌仍輸少府倉遂
使窮荒分尉候長令編戶樂耕桑犁庭已見龍沙靖隔
影難容獸迹迅捷比票姚征遼濮健蹕充國定开羌衝
堅竝放千鈞弩剷逆爭持百鍊鋼突騎登山凌截梟神
槍臨淖震雷礮千夫賈勇螯弧舉萬眾呼降龍燾張鼉

兔投林空趯趯飛蛾赴火漫悵悵遐方延踵咸歸化蕃
部同仇共侮亾捧檄纔教擒楔獮援戈親爲殪封狼三
驅冑使前禽失壹發頻看大兕戕疏屬尸方械貳負專
車骨已折汪茫揅喉眞快人心憤懸首還將國泐彰進
表稱臣趨魏闕訊囚獻馘到虞庠從茲遺種蠲芽蘖永
見新畬絕秀稂露布明駝馳遠徼星躔候琯應初陽握
樞乙夜垂衣肅送喜千官佩玉鏘師克在和嘉眾帥功
成惟斷仰吾皇天休滋至時難失祖烈丕承動必
臧直拓提封周二萬獨恢大畧軼尋常園壇昭告瞻
颺若清席升禋倍肅將諏日陵園陳鬯卣分曹嶽

鎮禮琮璜百神咸秩隆儀舉 三殿親臨鉅典煌 聖

澤普霑高以厚 慈寧齊祝壽而康南薰解慍仁風扇

北陸迎長淑氣翔異數酬庸增嚴秩近郊宣勞奏笙簧
析圭已荷盼茅土賜馬羣看簇繡壤蒲海沙平明侶雪
于闐玉美白于肪洗兵欲輓鉞河水度索應通濛汜鄉
鉅製伊西鑱壁嶂鴻文太學炳琳琅捧來薤葉芝花潤
拓取鉞鉤鐵畫褰允矣豐功垂宇宙咄哉浮議沸蜩螗
一篇特啟羣言惑五載眞勞 睿畫長燕翼有謀貽

列聖至誠所感協 穹蒼乘乾惕惕惟無逸保泰孜孜
自不遑豫順行師功莫尙謙尊下濟德彌光宣饒願諧

昇平曲拜手陳詞獻未央

已卯除夕

謬占金閨籍于今歲八除思親頻佇望報國愧迂疏
病久無良藥家貧少異書光陰敲石過太息負三餘

初春懷鄉榘詠

郭澤塘南顧浦西

水東日記范石湖爲李結記濬塘浦云浦有五曰新洋江曰小虞曰下張

曰顧浦塘有三曰郭澤曰七曰至和

吾宗四世卜幽棲肥田屋後秧針

細漲水門前蟹籩齊市小數家成一閩酒醕有戶偕偏
提官租輸了無宅事饋歲紛紛筮檻攜

土風瑣碎記邛岷故老相承例莫更振子驅邪蒙紙面

銅童祀竈焚燈檠支門炭取長身立印砌灰偏巧樣呈
拜節家家總相識不須半刺更通名

人家大半住茅茨木几藤牀位置宜黃皺香綠裱定武
紅凝天燭插軍持春風游展徐公浦夜月神絃英布祠

吾鄉以英布
爲土地神

傀儡登場纔過了盲兒遮算又彈詩

人日元宵興不孤小時了了記歡娛燒鎗巧解藏頭謎
對局偷拈謁選圖潘安蹋歌宵按板陳孃貰酒午當壚
橋東巷北嬉游地二十年來夢故吾

題倪敬堂同年西谿探梅圖

桃李漫山未足珍橫枝數點逗先春天然清瘦非凡格

比侶先生骨性真

橫空嫩蕊簇疏枝彷彿西谿入夢思
共羨繡花滿頭插
幾人賞到未開時

樸學君家世澤沿黃門介操憶當年
七清妙墨依稀在
要與茲圖一例傳

恭和

御製三月朔日御殿定邊將軍兆惠副將軍富德等率
成功諸將士朝謁詩以紀之元韻

金殿晨開鵷鷺排六師大獻愷歌皆分茅列爵周三等
舞羽敷文舜兩階蕩蕩大門初日啟依依楊柳入春佳

行閒將士羣羅拜共喻投醪 聖主懷

恭和

御製上巳日凱宴成功諸將士元韻

八首

青郊宣勞禮言旋王會新開西海壖五載豐功天祐
聖萬全成算 聖因天洗兵魚海龍沙外張樂流觴曲
水前嘉讌昇平當此日春臺何地不熙然

澹蕩韶光春事深連茵曲宴集華林食苹鳴鹿來郊樹
在藻游魚戲水潄九奏鈞天人既醉八風妙舞樂難禁
手檠瑤竿斟初徧要識分甘 聖主心

玉關新柳正垂垂壯士長驅入塞時犒賞百千沾闔澤

登咸三五慶昌期
饒歌試譜伊涼曲
鼓吹新翻灼賚詩
繩武由來追祖德
百年豐芑念畱貽

屈指師行暨凱旋
將幾歲荷除蠲握奇
乙夜義軒畧推轂
三軍衛霍權往矣
冰霜酣戰地來思
花柳暮春天回中
伯克全歸附葱嶺
西偏執訊連

瓊筵曉啟趁芳辰
飲至論功翼命申
五等析圭先燕領
千官獻壽近龍鱗
卻從鮮甲橐弓日
爲念披堅執銳身
感激一時齊額手
臨觴猶軫結纓人

生長行閒荷聖憐
從征親到雪山邊
眞逢采玉于閬國
快覩竿頭涿鹿年
拔幟名城誇趯捷
執殳絕徼盡精

堅卽今杕杜歌成日譜入南薰叶舜絃

纏頭別部向風歸羅拜華柎初日暉盡識軒轅通道遠
方知光武閉關非金人捧劍剛修楔玉塞韜弓遠集禡
大倉刀環爭入貢天戈從此已停揮

三日風光朗夏清禮成上壽聽呼聲勛名眞見圖麟閣
賞勞頻煩酌兕觥錫宴周京多受祉詰兵禹迹克方行
欲知討叛綏邊畧保泰淵衷在不盈

恭和

御製塞宴四首

名馬數百皆龍媒牡者四驪牝者騄誰其騎者惟嬰孩

控之曾不施銜枚神鎗一聲殷若雷翻身上馬寧徘徊
風雨驟至急箭催砰礚振蕩何喧阗直下峻阪凌曲隈
四蹏飄瞥無纖埃二十里外往復回如響斯應彈指纔
就中卅六尤傑魁觀者叱舌驚且咍詭馬舊俗有是哉
至尊顧之歡顏開宣敕頒賞陳觥疊名藩小大紛具
來拜手敬進萬壽杯

右詠馬

天淨秋高張大幕頭鰲宴中什榻他蘆筵羌笛應節鳴
亦有箏琶襍絃索將進酒遠如期當筵自奏樂府詩
陛下之壽千萬歲東臣元菟西月氏前有緩聲後有促
拍颯颯入目太古音不減撻金與拊石敕勒企喻古所

傳白狼慕德共勉旃況今龜茲諸部盡內屬西涼散樂

夏進破陣篇

右什塲

高秋曲宴紅氍鋪布庫之戲古所無壯士脫帽膽氣麤
先聲直欲吞於菟空卷搏蹕兩兩俱騰蹕撇振百變殊
角力以智分錙銖失勢一蹶愧弗如何人得雋酌以觚
整暇自謂可賈餘彼哉厄魯亦善鬪坦腹跣足不巾袖
老拳怒臂發以驟使氣氣出若饋饒强者植立弱者仆
伏而鹽腦亟相就屈肩著地昂其脰有覩面目悔大繆
勝負旣決斯放手曰四衛拉俗之舊吾 皇顧之樂且
康何以予之蒸黃羊天廚禁臠大噉忙以手爲箸腹爲

囊鞠脆再拜頓地搶食指不動已十霜一飽何幸在

帝旁 天章頒示紀事詳昇平同樂誌不忘 右相撲

平原如掌水艸肥驅來駿馬各不羈減陽弗方類自別
升獻上阪隨所爲誰與少年雄且傑短後之衣長竿掣
翻身走馬疾于飛欲使生駒就銜繼雕鞍繡勒色樣殊
控繫未及跳擲俱有如負奇跣跣士倔強不受人閒拘
飛揚跋扈賊且急有時稀突他人立乘閒直上跨其顛
持之以暇久方習八尺曰賊七尺駉追風躡景游八垓
乃知駕馭得其道上襄詎乏飛黃材維管周官訓馬政
佚特攻駒順月令卽今塞北多名藩善馬調來千里騁